

Jekabara




SNV
Connecting People's Capacities

Cikela ceman n'a musoman kunnafonisèben
a bø bø kalo o kalo
Jamana baarada la BP : 2043 Bamako (Mali)


Maktawu ye u ka jamankuntigi-sugandi-kalafili ke san 2007 awirikati tile 29

ne 8-9-10nan



Nsiirin ne 12nan

Hinc be sinji de la



Dantigélikan Mekalo tile 1, dijn koro baarakelaw ka donba

Kabi san 70 ni kò bi, san o san mèkalo tile fòlø ye jenajedonba ye dijn baarakelaw bolo. O don de ye ninyorèjini donba ye baarakelaw bolo ka bø jamana kolatigelaw bolo. Mali kònò yan, baarakelaw ka lakanatònba saba bëe n'u ka baarakela sendika bolofaraw don. Awa, a bëe ka lajini sinsinnen be baarakelaw ka josiraw waleyako juman siratege de kanka sòrè barika ma bø ketaw waleyako barikama la baarakela kelen si fe ka jésin a sarakun ma. Fanga fen o fen sigira Mali kònò yan ka fo jøgøn kò ; Modibotile, Musatile, Cemancefangatile, Alifatile, fo ka se ATTtile ma, a bëe ye baarakelaw ninyorèjì sigi. Awa, baarakela suguya bëe n'a ka lakanatòn bolofara don : senekelaw, mènnikelaw ka soba (APKAMU), bololabaarakelaw ka tònba, lakèlikaramègòw ka tònba, donini mobilobilaw ka tònba...

Kabi san 2002 kalafiliw, peresidan-sugandi-kalafili ni baarakelaw ka donba gintanw bëe don jøgøn na ni furance-tile-danmadèko ye. O b'a jira ko peresidan sugandilen b'a kalama kabi a sigidon, ko baarakelaw de y'a jeñøgøn lakika fòlø ye, n'a ka jamankuntigiya kera fasoden jumanya siratege la, awa, n'a dun kera yerekun nafajinibaga de ye, ko baarakelaw de ye dimisira wulikajøbaga fòlø ye ka jésin a ka fanga taabolo ma.

Tumani Yalam Sidibe

"Kalan be mogo son hakili la, kunnaffoni be mogo bo kunpan na" Yoro Ulen Sidibe

Kalan be jaban be
mogo bo kunpan na

ne 7nan

"DAGRIS" feereli
kuma bë senna

ne 3-4nan

Peresidan
be jøda jumèn na
Mali jamana
kònò ?

ne 10nan

Min ye min ye...



Hamidu Konate

Mali dənkilidalaba də kan don : min ye min ye, o y'o ye !". Cəbə seegin de yera Mali jama-na peresidanya ninini kadara kənə san 2007 awirilikalo tile 29. Awa, i nə fə an ka dənkilida jekulu were b'a fə cogo min na, fanganini jamakulu bə məgə suguya bəe bila kene kan : Faso kanubagaw, ani yere ka jetaa ninibagaw.

Nka, a ka c'a la, Faso kənə, bəe bəe dən, ka da adamadenya taabolo sira kan an bə bəe lakələsi min kənə, ka jəsin fasobaara taabolo ma ani adamanenw ni jəgən cə suraw taamaco-go-faso kənə. Nka, fen kelen bə yen min fana ye tijə ye dərə. O de ye ko məgə si man kan ka kənkənə dun ka da jəlakələsi kan. Kalafili kun ye de an ka jəməgəw sugandi an ka kow jəminəni kanma san duuru

kuntillenna kənə : an ka farikolo kəneyə ; adamadenya daamuda, dunkafa ni yeremakoje ; an denw ka kalanko sabatili ; ani baara dili an denw ma minnu nə ka kan ; an ka sənefenw cikebagaw ka jetaa sabatili u ka baara siratege la...

Dijə fan si kənə, jamanakuntigi te sugandi a jəda cə ji kanma. Nk'a bə sugandi jamadenw fə a ka jamana nafa baara dantigesəben de kənəko kanma, n'an k'o ma ko "porogaramu". Ala ka Malidenw ke ka jəməgə sugandi min ka porogaramu bə tali ke Mali kunko bərebərew kan, n'a waleyali feərew n'a galabu fana b'a la.

I n'a fə Mali kerecen katolikiw ka jəməgəba y'a fə cogo min n'o ye mənsejəri Zan Zəribo ye, n fana bə dugawu ke jəbila in laban na ko : "Ala k'an kalifa jəməgə ma san duuru nata kənə an hine bə məgə min na !"

**Hamidu Konate
Jamana baarada jəmaa**

Mun bə so ?

Mun bə so ?
O ye duden hawujalen
de ka jininkali ye dərə :
O ye siran, ni nagali, ani
jəɔre
də dalasekan ye !
Nk'a bə min bərebərew,
O de ye
Ko duden te du kənəko kala-
ma.
Ni sən t'i pan
A den k'i yunuma,
Fo sən ka sərə a den koro de !
Maa bə yərə min
i y'o yərə de kolatigela də ye,
Nka, maa te yərə min,
Hali n'i təgə fəra yen,
Ko tənədungagaw
Bək'a kənəkan məgəw de ye
dere !
Siran, ni nagali, ani jəɔre,
O bəe ye ko teməbaliw de
kunfəkanw ye
Nəntə,
Hali ni takan bə jəla jəbugu,
Tabaga min b'a la,
O y'a kənəkanməgə ko ye.

Tumani Yalam Sidibe


Hakilisənekənə

N teri, lagosi waati la, kana dimi de k'i yere bənə ; mandiya waati yere fana na, kana yaada abada k'i yere danbe tijə. A dən ko bə ni saya cə, foyi te jənni sərə a yere ka lajini kə !

Tumani Yalam Sidibe



"DAGRIS" (CFDT Weletogga kura) feereli kuma bë senna !



Koɔri ye nafa-soro-sene fen ye min jɔyɔrɔ ka bon Afrika jamana caman ka taajɛ sabatili la !

"CFDT", n'o ye Faransi koɔrisene taabolo ye, o baarada kɔnɔkow temesiraw sigira bolo kura kan ka bi san 1980 waatiw la, baara minnu kalifalen don a ma, ka taabolo kura d'olu ma. O kanma, CFDT tɔgɔ yelemana k'a ke "DAGRIS" ye. CFDT kuntilenna tun ye koɔrisene donni de ye barika la a ka maradaw kɔnɔ, Faransi, an'a jɛnjɛgɔn cakedaw kɔnɔ, dijɛ seleke la, i n'a fɔ CMDT, Mali kɔnɔ yan. Nka, ka fara koɔrisene ka jɛttaa baaraw waleyali kan, "DAGRIS" bë kumafɛnw fana seneni n'u san-nifeere baaraw boloda ani k'u waleya Mali kɔnɔ yan, jɔyɔrɔba bë "DAGRIS" la, ka masɔrɔ hake fanba bë bɔ ale de kun CMDT ka manankun nafolo siratege la. Ale ta hake ye 60 ye, ka sɔrɔ Mali jamana jɔda ye 40 % ye.

"DAGRIS" koɔrisenebaara cakeda ka manankun nafolo tun bë teme "ero" wari miliyon 150 kan. Nka, ka bi san 2004, geleya bë cakeda in kɔnɔ haali. O geleya de nana n'a ka manankun nafolo

hake jiginni ye "ero" wari miliyon 50 jukɔrɔ san 2007 in kɔnɔ. O kanma, a feereliko kuma sigira sen kan a kotigiw fe. O feereliko de fana ma kɛ ko ye min taara "DAGRIS" cakedaw ka sɔnko sira fe. Olu wulira o de la ka kiiri jini "DAGRIS" jɛmaada kɔ kan.

O kiiritigesen fɔlɔ kera Faransi jamana baarako kiiriso la san 2007 awirilikalo kunjɔgɔn fɔlɔ yere kɔnɔ. O kiiri senfe, 'DAGRIS' cakedaw ka makaranbagaw (awokaw) y'a jini ko kiiri ka tige a kan ko "DAGRIS" feereli bë bɔ a ma, ka masɔrɔ kun t'a la a ka bila kenyereye ka bolo kan. U y'a jira fana ko hali ni Faransi goferenama y'i jɛ tugu ka "DAGRIS" bila kenyereye ka bolo kan, foyi t'a sementiya ko kenyereye minnu bɛna a tigiya ta olu bë se ka ciklaw ni "DAGRIS" baarakelaw ka nafa lasabati. "DAGRIS" cakeda jɛmaaw ka makaranbagaw kelen ka kuma ta, u y'a jira ko kiiritigelaw ka kan ka kiiri tige "DAGRIS" bilakiko sɔnko de kan

kenyereye ka bolo kan, ka d'a kan o de b'a to "DAGRIS" bë to senna. Ni goferenama fanga desera, a ka c'a la, kenyereye bë se, barisa maa si t'i bolofen ye a lagosira kan k'a ye k'a to yen...

O kiirisén fɔlɔ sigi wulira ka kiiritigekan dili bila san 2007 mɛkalo tile 3 la.

"DARGIS" ye cakeda ye, i n'a fɔ an y'a fɔ kuma damine kɔnɔ cogo min, n'ale kuntilenna ye koɔrisene ani nafasɔrɔ-senefen werew ka ko taajɛ donni ye barika la.

O siratege de la o jɔlen don hali baganinsene ka sankɔrɔta walew kɔkɔrɔ jamana caman kɔnɔ, i n'a fɔ "Sikeki", Burukina Faso. Ala ni baganinsene barika kosɔn, Burukina cikelaw ka sɔrɔ bë se fo sefa-wari dɔrɔmɛ 100 000 fo dɔrɔmɛ 120 000 ma san o san.

Tijɛ don a jodaba te Kɔdɔwari koɔrisene baaradā kɔnɔ, barisa o bë kenyereye ka bolo kan a meennɛ, nka "DAGRIS" ka baarakalabolow bë se yen koɔrisene baarada ma haali.

Nin ye kunnafoniw ye an ye min ta "RFI" ka san 2007 awirilikalo tile 8, n'a tile 12 kunnafoniw kɔnɔ.

Tumani Yalam Sidibe

"DAGRIS" n'a jɔyɔrɔ

"DAGRIS" min ye koɔribaa-ra taabolo ye Faransi jamana kɔnɔ, n'ale tun bë wele ko "CFDT", o jɔlen bë Afrika jamana caman koɔribaa-ra taabolo kɔkɔrɔ, i n'a fɔ "CMDT"; Mali kɔnɔ yan ; Kɔdɔwari koɔribaa-ra taabolo ; Burukina Faso ; Cadi... O b'a jira ko ni geleya ma ban "DAGRIS" kɔnɔ, a ka gelen koɔribaa-ra taabolo ka lahala jɔnɔn

A tɔ bɛ jɛ 4 nan kan

Je 3 nan tə

sorō anw ka jamanaw kōnō. O yere de kanma kōribaara taabolo bilaliko kuma bē senna kenyereye ka bolo kan an ka jamananw kōnō. Fen min ye Mali ta ye, o ye ko ye min bolodalen don ka bila san 2008 əkutəburukalo kan. Nka, i

n'a fō dijé kumadonsow b'a fo cogo min, ko o ko, min waati beréberé ma se fōlō, k'a waleya, mōgō tē se k'a fo k'o kera, barisa yelema bē se ka don siniko bē la, kuma tē sinikenko ma ! An bē ka dugawu ke Ala ka Mali kōribaara taabolo banban bolo kōnō, a bē lakana min kōnō, ka ke Mali jamana ;

CMDT baarakelaw ; Mali kōrisenew ka héréko kuntaala jan ye.

Kunnafo ni labanw y'a jira ko «DAGRIS» feereliko kuma jéra fōlō ka da Faransi jamanakuntigi sugandi kalafili kan, nin bē senna sisan.

Tumani Yalam Sidibe

Ni se tun bē ne ye

Na y'a sorō a se tun bē ne ye, ne tun bē cikelaw ni cikédaw jōyoro don kokura barika la Mali fanga ninina bēs ka porogaramu kōnō. Kabi Mali ye a ka yéremahorénya ta, feéreba fōlōw bēs sigira sen kan cikelaw ka adamadenya fəamuya taasira n'u ka baara dənsira kalanw kan. O de kanma, fan bēs, i tun bē balikukalansow de komén ; fan bēs i tun bē sirabadi-lan-porozebaw de komén ; awa ja-maforow ni duforow de tun bē fan bēs. Fen min ye hali kēnya sabatili taabolo ye an ka cikéduguw kōnō, furakelikelaw ni matərənīnw tun bē adamadenya sabati mōgōw kan a nēma duguw kōnō : Npela (Kolokani) ; Seriwala ni Tumani-bugu (Kolokani) ; Wolofanaso ni Pure (San) ; Nankərəla (Kucala) ; Npəbugu (Welesebugu)... Mali fan bēs, fo kérənfé, fo tilebinfē, kēnya-sow tun bē fan bēs.

Ni se tun bē ne ye, ne tun bē feére bēs de tige walasa nin porozebaw kérəw ka sigi kokura Mali cikédaw n'a cikéduguw bēs kōnō. N'o kera, o ye tōnō fila, fo tōnō saba bēs boli ye sefan kelen na dère. O tōnōw file :

- **Fōlō** : A bē ke sababu ye ka



Kabi san 1970 waatiw la, cikelaw dəmə porozebaw bē yen. Min dun b'o bali bi ?

cikéduguw kōnō denmisew labanban sigidaw kōnō, k'u ka fijebənsekərə dəgoya. O kérə bē kēne kan.

N'i y'a ye an ka denmisew caman bē kérətə samijs banni na, walasa k'u kun da yōrə were kan, o kérə ye ko kēta t'u bolo de samijs kōnō baara kōfē sigidaw kōnō...

- **Fialanan** : A bē dunkafa politiki taasira bēs sementiya Mali kōnō. An k'a dən ko Mali cikelaw ye dugukolokeləbagabaw ye dərə, walasa ka fen bō a la min b'olu yere nafa

ani ka Mali fan tōw nafa. Nka, bi, an bē se k'a fō ko : "hali ni janni ka di nagame ye, kékuruko b'a bali !". Bi kumaw de taabolo ka ca ni wale kēnekandaw ye Mali faso marabagaw ka dunkafa politiki taasira la. Nəntə, Maliba in kōnō, a ka gelen anw haminanko ka ke dunkafako ye, kasōrō cikékənəba ninnu fəsənnən bē fan bēs, kasōrō fana an ka jamana mōgō fanba ye cikelaw de ye...

- **Sabanan** : Ni cikéyərəw yiriwa baarabolow (porozew) sigira sen kan kokura, o bē ke sababu ye ka beremaba bē Mali jamana denmisew ka baarantanya la. Balikukalan sabatili bē Sefu de Zafu caman de kōfō ; cikelaw lafaamuyako juman, o bē senekələkəlidənw caman, ni cikékafokuntigiw caman de kōfō ; sigidaw kōnō kēnya sabatili baaraw tē taa kēnya tigilamōgōw caman bolo donnī kō baara la.

An ka jamana nēmaa mōgō faamuyalen bēs ka kan kā dən ko fasoden caman ka bolodonbaarala temesira jənjən ye cikédaw ka taa nē baarabolo barikama caman de ko ye.

A tə bē je 5 nan kan

Né 4 nan tɔ

An k'a dɔn ko hakili-jumantigi kunda, foyi te fasobaara bɔ. Fasobaara o fasobaara dun be jini ka waleya feere jɔnjɔnw kɔ, o te boli ko were kan kunfebaara kɔ. Dîne kɔnɔ, kunfebaara de dun weletɔgɔ berèberè ye "sanjikɔrɔwɔɔsi gansan ye".

Mali ye jamanaba ye ka d'a kan Ala y'a n sɔn jamanaba la, ani kungodaw jibolisiraw ; cikedabaw ani mɔgɔ hakilitigibaw caman na.

Nka, fən kelenpe dè be k'an ka taajé ne lanɔgɔ, n'o ye a banbanen ye an hakili la k'an ye faantan jamana ye. Anw dun ka miiri la, o te tijé ye dère. N'an ye kɔlɔsili kɛ, an be t'a sɔrɔ ko n'i y'a ye Mali dafé jamana caman ka jetaa sabatilen be bi, i n'a fɔ Kɔdɔwari, o sunba ye Mali jamana tungaran-kew de ye. Mun dun b̄a to an caman be taa walimɔgɔw deme k'u faso jo ka sɔrɔ an yere faso be kunderenkanfoolo la ? O b̄a jira ko

feere de sigilen te sen kan faso kɔnɔ, min b'u bolo ka nesin jamanakuntigi kura ma, k'a fɔ a ye ko : peresidan..... Ni Mali fasojo lajini tigitigi de be i kɔnɔ, i n'i ka gɔferenama jama ka wulikajo kɛ, walasa ka cikeduguw dayele koku-ra ka nesin porozew ma : baliku-kalan ; bagandɔgɔtɔrɔ ; adama-dendɔgɔtɔrɔ ; sirabadilan ni kɔlɔnsen...

**Soyiba Trawele ka bɔ
Npɛbugu, Welesebugu kubeda.**

Kɔɔribaa kalanbonba bəna dayelen

Taratadon, san 2007 awirili-kalo tile 17, lajeba dɔ kera Mali senekelaw ka soba Apekamu na, min tun nɔmaaya be Faransuwa Trawele bolo, n'o ye Afriki kɔɔrisenaw ka jekuluba "APROKA" peresidan ye.

Laje in kun tun ye a dali de ye jama tulo kan ko Afriki kɔɔrisenaw ye lajini min ke Pari (Faransi jamana fagaba) seneko ka jetaa nɛnajeba kene kan san 2006, kɔ ye sira sɔrɔ. O lajini te dɔwɛre ye kalanbonba (iniwérise) dayelenni kɔ kɔɔrisenaw taabolo kanma Afriki kɔnɔ. Ni Ala sɔnnɔ, kalanbonba in be dayelen san 2008 setanburukalo la. Awa, a be kɛ kɔɔrisenaw ka baarakalan karamɔgɔw de ka dɔnniya nɛninikan ye : seneko dɔnbaga njanaw, kɔɔrisenaw bilasira njanaw kɔɔrisenaw sirategɔ la...

Kɔɔrisenaw ka jetaa sabati kalanbonba in bəna dayelen Bɔbɔ

Julaso dè, n'o ye Burukina Faso duguba dɔ ye. O kunnafonidi kɛko juman sirategɔ de la, "APROKA" (APROCA) peresidanta Faransuwa Trawele bəna taama ke ka dɔn Afriki jamana kɔnɔ 9 kɔnɔ, minnu ye : Mali ; Kɔdɔ-

wari ; Benen ; Burukina Faso ; Kameruni ; Senegali ; Cadi ; Gana ani Toto ye.

**Nin ye Mohamadi Dawo
Ka lase ye ka bɔ
"Les Echos bɔko 2879 kɔnɔ
A bayelemabaga : Tuya Sidi**

A y'a mamine !

Kabi karidon, san 2007 mekalo tile 6, cikelaw ka jekuluba were sigira sen kan, mali kɔɔrisenaw ka koperatifu jekulu tɔgɔ la, min ni Apekamu te kelen ye. Jekulu kura in tɔgɔ ye ko : «FENA-USCPC», n'o ye kɔɔrisenaw koperatifu ka jejekuluba ye. «FENA-USCPC» nɛmaa ye Tahiru Banba ye. Ni Ala sɔnnɔ bɔko nata, an be wulikajo kɛ ka kow kuna n'u taabolo bereberew lase aw ma cikelaw ka jekuluba kura in kun kan.



Tahiru Banba

Waati do sera sa de !

Mali ye jamana ye min ka yéremahorénya b'a bolo kabi san 1960 setanburukalo tile 22. Awa, k'a ta o san na fo jinan, jetaa janiyasiriw de b'e sen kan kasoré u waleyataw si man ca. O yére la, an b'e kerefe denbolo b'o waati kuntaala kan, min b'a ta san 1960 setanburukalo la ka taa kunce san 1968 nowanburukalo kón. O waatinin kón, Maliden c'e n'a muso tun sigilen b'e haate jetaa sabatili kan : iziniw tun be ka falen fan bée : Taama mobilibaw kumbabaw n'a fitiinuw tun be Mali jamana dugu bée kón, ani duguw ni jégon c'e ; Baaradaw tun be fan bée, awa, lakoiso minsenniw n'a kalanden kérébaw taayoré fana tun be jamana fan bée ; fen min ye an ka sénefenw bayelema iziniw ye, olu fana tun cogoli ye sira b'li damine ka ban ni Baginda tamati bayelema izini ye... Nka, o lahala ma hakilina min kóni bo yen, o de ye ko san o san, a kelen be i n'a fo anw ka jamana sigikun wére te geleya waatiw danma latéme-férenjini kó. N'an tegé jannen te dijé nafolobonbaw kó, an

b'e k'an ka cakédaw de feerekó jugu ké, walima yére an b'e yéremakasibolo wére kan. Maliko in dère. N'i dun ye jatemine ké, i b'e t'a soro ko nin geleya banbali ju te yiriwafen dese la : Afriki kón yan, Mali de b'e joyoré sabananya la sanuko la (Afriki di Sidi ni Gana kófe) ; Mali ni Burukina Faso de b'e k'u sanga jégon ma kóori soro joyoré filananko la Eziputi kófe ; an ka jamana fan bée, ni sénékédugukolo fensennen té yoré min, i b'e t'a soro bajibaw b'e yen mónni nafama kanma ; walima kungo n'a kón nafafenw b'e yen. O koson, an b'a fo ko Mali ka geleya banbali ko ju b'e kuntillenna sira danma de tata kan an ka jamana jémogéw fe, ka jésin danyeréla ma Mali in ka jetaa waleyali feerew tigeli n'u keli ma. O jémogé folé ye jamanakuntigi de ye. O kanma, an b'e duguwu ke ko Malidenw bén u ka danaya da mógo min kan u ka jamanakuntigiyé kanma san duuru nata kón, Ala k'o ke mógo ye an ka jetaa feére b'e min kón, n'a waley galabu n'a timinandiya fana b'a la.

Tumani Yalam Sidibe

Herkoba dère

Kabi san 2002, Kédéwari jamana ktun tilalen don fila ye kó sababu ke mógo muritilenw ka wulikajó ye. O wulikajó de nana ni Buwake zoni farali ye ka b'o Kédéwari jamana la. Awa, hali nò ko ma ke kenekanda ye, san duuru in kón, jémogé fila de tun be mara ke Kédéwari jamana kón : Abijan fagaba tun be peresidan Loran Gwagibo ka marabolo kón, ka soro Buwake zoni setiya tun be mógo murutilen ka jémogé bolo, nò ye Giyomu Soro ye. O kanma, hali jamana mara satiye temesira tun te kelen ye belen sigida fila ninnu kón. Nka, ka da Burukina Faso masaka Bilezi Kon-pawore ka wulikajékan balawu dla-sa siratege taabolo kan, san 2007 marisikalo la, Kédéwari tilabolo fila bee jémogéw ye jégon soro Buru-

kina Faso ka taa badenya kéléban k'e yen. O de kera sababu ye ka Kédéwari minisiri-féleya joyoré di Giyomu Soro ma san 2007 awirilikalo tile 6. O wale de taabolo juman b'ra furancé b'li kan Buwake marada ni Abijan marada c'e, san 2007 awirilikalo tile 16.

O kera sewakoba ye Kédéwari-kaw bolo cogo min na, o kera Kédéwari dafé jamanaw fana bolo ten, ka da kan olu ka tungarankew de fana kelen don ka Kédéwari fa, awa, o jamanaw kón here soro sira barikama fana de be temé Kédéwari fe : Mali ; Burukina Faso ; Gana ; Lagine...

Ala ka nin ke Kédéwari jamana kón funteni banni ye, ka kow taabolo neema a kón jamanadenw ka kelenya siratege la.

Tumani Yalam Sidibe

Mali ka here b'e jón kunnandi sababu juman min bolo, Ala k'an kalifa o tigi ma. O ka k'an ka jamanakuntigi ye. Ala kana an di o ma de, nk'a k'an kalifa a ma de !

Monséneri Zozéfu Zeribo
Bamako katoliki Egilizikuntigiba

Den in jéda n'a fa jéda bôlen b'e. O ye den fa lawasakoba ye, a kunnawolokoba ! Nka, den in woro n'a fa woro bôlen don haali.

O ye fa danbetijékan ye. Fa lagosikoba ! Kuma bée n'a fósira ; kuma bée n'a fócogo.

Mamadu Kamara
Majanbugu funéke dô.

Ni Habibu Koyita ko : "Bi wariko, c'e bée ka kan ni dô ye !" O té muguba-c'e ko ye dère. Ale b'i yére soro kómugu ni jémugu gosi-gosili la waati jumen ka kun c'e tów la wari jini sira kan ?

Mamutu Fonba
ka b'o Waniné (Kolokani)

Tentan-kón, kaaka-kón, nanaallen-kón..., ninnu bée ye kón gundomaw ye u dônbagaw de balo dère. Nonté, mógo min ko ko jolomafé bée ye panfan gansan ye, o tigi b'e u bée tinba jeferelennin-sére de la. Jaa, fen bée nafako b'e a nafa dônbaga de kun kan !

Buyagi Masa Trawele
ka b'o Maabugu (Kolokani)

Politiki té ko wére ye nin kó : "ka maaw ka geleyaw dón, ka fura telin jónjén soro u la !"

Amadu Tumani Ture
San 2007 awirilikalo
tile 29 peresidan-sugandi
kalafili cabó dô.

Ni faliden ma sa, a hakili b'e don dô donita la !

Modibo Sanogé
Arajo "Békan" koma
nagalaba dô Bamako

Kanpasajabana (Epidemic) ke n'kenya


Ka bi san 1975-1976, kanpasajabana ye bana ye min be kasara don mogow ma san o san yanfanfe Afriki jamanaw keno, n'o b'a mine Burukina Faso la, ka don Ecopi keno. Hali ni sanw kasaara mogohake te kelen ye, kanpasajabana keno be senna !

N'an y'a ta Mali jaman keno ta ma, an be t'a soro ko san 1975-1976 keno, kanpasajabana ye mogo 500 000 ni ke de kasara. Awa, o ye an ka jaman mara bee lasoro, fo k'a bo Gwo mara la. Fen min ye pinan ta ye, i n'a fo an ye a soro "Les Echos" kunnafoniseben do keno cogo min na, kabi san 2007 marisikalo la kanpasajabana be senna an ka mara do w keno, i ko Sikaso...

Kanpasajabana be lakoden ni fariganba ye, min senkoremadonnen be ni feono gelen ye, ani kanjali, fo ka se kdimiba ma. N'a lakodenya yero min, se ka kan ka ke ni banabaats ye dgoteroso la. O b'a to kenya tigilamaaw b'u mako don a tigi la joona. O b'a to fana dan be ke a yelemani na kerefemaaw la, barisa kanpasajabana ye bana ye min labugunsira ka telin, ka da a keli la ka mogo caman lasoro nogen fe.

Kanpasajabana mogo faga ka telin. Awa, hali n'a kera furaketenye, a kolo be se ka to banabaats kan, i ko tulogereny ; boboya, farikolo galabuyoro do nagasili...

Kanpasajabana be se ka kunben ni tuguci de ye, o min barikahake be a sorbaga kisi kanpasajabana ma san saba fo san duuru kuntaala keno. Nka, n'a kera mogo min lasorfen ye, kajita ni pikiriw, ani farikolo topoteli kuntaalajan, min be se fo tile saba



Kanpasajabana ye bana ye min be denmisew de kasaara ka caya, hali n'a tana te maakoroba fana mineni ye !

ma, olu de ye furaketenye. Awa, ka da bana in yere yelemacogo telin kan mogow ni nogen ce, banabaato be mabo mogo tow la, k'a dayoro donkab' caman yamaruya to kenya tigilamogow danma bolo.

Kanpasajabana ye bana ye min be se ka mogo sihaketigi bee lasoro, nk'a ka c'a la, a be boli denjenin kunda, funanke kunda, fo mogo sihake do ni nogen ce de. O koson, hali n'an kera denmisew wule fuununen yebaga ye farigan keno, a kafisa an ka dgoteroso magen n'u ye.

Kanpasajabana ye tilema funteniwaati bana ye. A lasorwaati b'a ta feburuyekalo la, fo ka se marisikalo ma. Nka, ka da waati ja taabolo kan, a minewaati kuntaala be don fo mekalo keno. Minnu hakili b'a la yere, san 1975-1976 kanpasajabana kasaara tora senna Mali keno yan fo ka se zuwenkalo ma. Sanji folow de tara na kolo ye.

An ka denmisew tanga tile

koreboliw ma, ka meen tile koro. Fen min ye gangaw samanni ye, an k'an yere ni denmisew tanga olu ma. Ni a se yere be an ye, an k'an ka du konoaw n'an ka nogenlaje ferewfuraw sanga ni waati bee k'u je, ani k'u son wala-sa k'u sumayalen to waati bee.

An be segin a kan ko : an kana sigi ni denmisew fariganto kunkolo dimito ye. An ka se n'a ye joona an ka sigida kenya tigilamaaw bara. Ni bana kumbenni de kafisa bana furakeli ye, bana suguya donne telin de fana be a furakeli taabolo ben a sen ma dere. Kerenkerennenya la kanpasajabana. Bana o bana, n'o donne joona, ka wuli a furakeli fe joona, a ka c'la, o bana de be kenya, ka taa, kasoro ma kolo to a ko.

Tumani Yalam Sidibe

Hakilisigi

"Les Echos" kelen ka kunnafoni di kanpasajabanako kan Sikaso, Mali kenya taabolo baarada dakuntigi, n'o ye profesori Tumani Sidibe ye, o ye pereperelatige ke kanpasajabana kan bi, Mali keno. A ko ko kanpasajabana ma se dugulamini da ma an bara yan (epidemi), barisa dugulaminida bana maa fagata hake be danmatene ka don nogenma. O waati kelen fana, a maa laddalen hake ka ca haali. O bee kofe, a be jaman fan caman lasoro nogenfe yorenin kelen.


Profesori Tumani Sidibe ka fo la, ka bi bana in kumbora, Mali fanga koni ye furaw hake caman lase kenyasow la ko ban Mali fan bee !

Malidenw n'u ka peresidan-sugandi-kalafili

Karidon, san 2007 awirilikalo tile 29, Malidenw ye kalafiliyorɔ siramine kabi sogoma, waati 8 nan, fo ka se waati 18 nan ma wulafe. Awa, cəbə seegin bee fama y'u ka kalafili ke Bamako, fo n'a bəra dəgətərə Umaru Mariko la, o min taara a ka fasodenya josira in waleya Kələnjeba. I n'a fə dəgətərə Umaru Mariko, "CDS" politikitən jemaa Mamadu Sangare, ko "Bilezi", fana taara a ka kalafili ke kəne cogo min, Garalo mara la.

Jinian fana, an k'a dən ko Malidenw ma bə kosebe ka wasa. O be mun jira ? O b'a jira ko Mali politikimaaw de t'u jeyərə fa a jemaa politikiko lawasasiraw kan, ka sərə san o san Mali jamana be sefawari miliyɔn caman de bila a lakodənnən bee ka bolo kan u ka təndenw lafaamuyali kadara kənə fasoden jumanya walew la, no' barikama də ye kalafiliw ye.

A ka kan an ka politiki maa jemaa k'a dən ko politisira la jagalili ye waati bee ko de ye. O be ke kalansira kan ; o be ke jemajesira kan ; o be ke hali hakili-dajira -jəgənnasira fe. Kabi jemufanga nin kurayara an ka Mali in kənə yan san 1991 marisikalo wulikajə kənə, n'a bəra kalafili sen folow la, i n'a fə san 1992 ni san 1998 kalafiliw, malidenw sennə te cayala a jemaa kalafilisiraw kan. Utun be bəko hakeba minnu yere ke kalafili fələw kun kan, o fana tun te politigi jeməgəw ka jemayako ye dəre ! A waati, yemahərənya sərəcogo lahala bərebəre tun don malidenw bolo Musa Tarawele ka san 23 gerentefanga kəfə. O yemahərənya nagali de tun be jama labə k'a bila kalafili sira kan.



Malidenw ye wulikajəba ke san 2007 awirilikalo tile 29, walasa k'u ka məgo sugandi jamanakuntigya kanma.

Mun ka kan ka ke ?

Fasoden jumanya kalanbonw ka lajanamaya sanga ni waati bee polititən bolo ka jəsin u ka təndenw ma. An hakili la, politikitən kelenpe de be yen min y'o baara k'a kuntillenna ye; hali ni dansiraw sərəla baara la. O ye "PARENA" politikitən ye. O temenən ko, i n'a fə Senegali məgo kalemmenba də delila k'a fə cogo min "jeune Afrique" kunnafoniseben kənə, n'o ye Seki Anta Jəpu ye, "Məgo be politiki ke fangapini ni fanga sərəli de kanma" ! Jinan dun, o kera jigilatigəko ye, ka d'a kan an ka politikitən koladənnənba fanba de y'i ban cəbə bilali ma kene kan, k'u ta ke cəbə were jukərəmadonni ye. O fana jeyərəba yera məgəw ka sennakuru la ka jəsin san 2007 peresidan sugandi-kalafili ma. O geleya bəlen kəyen yere fana, an k'a dən ko Mali duguba caman kənə, i n'a fə Bamako, məgo caman ye geleya sərə

hali u təgəlakalafilibonw lakodonni na, ka da səben taasira kan, kalafili bolodara san 2002 təgəsəbəngafew de kənəko kan.

Nka, san 2002 ni san 2007 ni jəgən cə, yelema caman kera.

Kalafili labənw taabolo

Jinian kalafili labəncogo jemədere ! fen min ye hakilisigi labənw ye, olu banbanna kalafiliyorɔ bee la, lakanabagaw de tun be kene kan. Awa, məgəw tun be kalafiliyorɔ birow kənə məgəw bilasirali kanmasiraw kan, u ma faamuya sərə minnu na.

San 2007 awirilikalo tile 29 ka-lafili jaabi fələw

Sanni an ka temə ni babu ye, a kafisa bee k'a dən ko maliden jemakulu lakodonnen be dijə jama-na o jamana kənə, farafinna fo erəpu ; Ameriki gun fo Azi gun kan, ka se fo Oseyani gun ma, kalafiliyorɔ sigira sen kan tungarankew

A tə be jemənan kan

je 8nan to

kanma. O b'a jira ko Maliden lakodønnèn be lakodøn lakika sira fe Mali kønø yan ani dijø fan o fan, a t'a kelen na.

Føn min ye Afriki jamanaw kfotønbaw ye, i n'a fo "UEMOA" "CEDEAO", "UA", ani bañumanketønw ni jamana maakørøtønw kan, olu ka cidenw fana tun nana ka jønsen Mali jamana fan bøe fe, walasa ka kalafili taabolo kølesi, k'a kecogo juman n'a kecogo jugu kofø dijø k'o men. Nka, dijø ko o ko, ni adamaden b'o waleya, a ñaniya ñena a ko la cogo o cogo, i be t'a søro geleyayørø b'a la, min be se ka søro alalatigesira fe, walima kønesigi latemesira. O de kosøn san 2007 peresidan - sugandi - kalafili geleya taaboloba kera "sugandili - sëbenkelenko" ye, maliden fanba ma faamuya telin søro min na. Awa, fan caman fe fana, møgø caman de balila ka kalafili ke, ka da u tøgø sëbenbaliya kan kalafiliganfeba kønø ... Nka, i n'a fo "CEDEAO" ka lakoløsi - cidenw ka ñemaaw y'a fo cogo min na, kalafili baaraw kecogo juman labenko yere b'a jira ko jaabi sørølenw man kan ka don siga la møgø si fe, barisa nanbara kewalew ma ye u la !

Malidenw ye Amadu Tumani Ture sugandi kokura.

Ni san 2007 awirilikalo tile 29 peresidan - sugandi - kalafili tun be cebø seegin de køgø da ñøgøn na kene kan, an k'a døn ko, tijø yere la, a tun be politikøn 43 minnu ko k'u b'u wasa don ATT ka cebøya la, ani "FDR", politikøn minnu ka cebøw tun b'u yeresago la olu de køgø da ñøgønna.

Kabi ntñenendon, san 2007 awirilikalo tile 20, kalafili jaabi føløw ye binni damine jamanadenw tuloju

kørø. Awa, kabi jaabi føløw ye binni damine, møgøw ye fqamuya sørø ko Amadu Tumani Ture ka "Takokelenko" bøna waleya, ka masørø, a temena kalafililaw ka sugandihake 51% kan fan bøe (kemetylada 51) Awa, møgøw y'a døn jaabiw taabolo fe ko politigikenana dakun na, møgø minnu be ten kan malidenw fe a ñema, olu ye Amadu Tumani Ture (Mali fan bøe) ; Ibrahima Bubakari Keyita (Mali fan bøe) ; ani Umaru Mariko (Kucala mara) ye. O b'a jira fana ko, ni kow taara u tagabolo børebøre fe, san duuru nata politiki lañagabaga jønjønw bøna ke "muweman situwañen" de ye ATT kun kan ; RPM "RBK" nø fe ; ani "SADI" Umaru Mariiko nøfe. Nin ye anw ka jatemine taasira ye. Nka, an k'a døn ko adamaden ka dijønatige la, ko bøe ye balanayølemøfen ye.

Yali kenekan - nanbara wa ?

San 2007 awirilikalo tile 29 kalafili temesira kamanagankoba køni ye wotesebenw (kalafilisøbenw) yeli ye maraba døw kønø, "FDR" ñemøgøw ka fo la, i n'a fo kajolo ; Sikaso : Møti ...ka køn kalafili don ñø, ani kalafilibon køfø. O ye wale ye min te ben jemufanga si kalafili kada kønø. O geleya ñefø yere fana, kuma telin tigilamøgø fila, nølu ye Apékamu Bakari Togola ni CMDT Usmani Amijnøn Gindo ye, nanbarafu siri peresidan-sugandi kalafili ñø ka køn a don ñø. Olu de y'a fo ko : u ye sugandikan - hake 3000 di ATT ma CMDT mara kønø, kalo fila ka køn san 2007 awirilikalo ñø. Yali o kolatiye lahidi de yere ma na ni "Takokelen" kuma ye wa ? kuma ma ji, barisa a b'a føbaga dun ; kumabaliya ma ji, barisa a be tige møgø la a be min kønø ; nka, ka kuma fo ka køn a fødon ñø, o de ye gaasi ye, barisa a b'a tigilamøgø

mako sa !**Bøe n'i kuntilemma :**

Taratadon, san 2007 ma ke baa-rakelaw ka donba danma ye. A kera barosigijamalaje ye Admadu Yumani Ture nøfejama bolo fana, ani "FDR" politikøn ñemøgøw fana bolo. Nin jekulu bøe y'u ka jamalaje k'u tafan, Mali ni dijø kunnafoni-dilaw kanma. "ADP", n'o ye ATT nøfe jamakulu ye, o nana ni dali-luw ye, k'a jira ko awirilikalo tile 29 kalafili kera ladiriya kønø, k'lu wa-salen don n'a jaabiw ye , barisa dankari keyørø ma ñø si ma a taabolo kønø, sariya la ; "FDR" ñemøgøw fana y'u sinsin u ka daliluw kan, k'a jira ko kalafili in labenna nanbara kønø, ka waleya nanbara kønø, ani k'a jaabiw laben nanbara kønø k'a ñekun sørøbagø ka Amadu Tumani Ture ye ma "FDR" ñemøgøw y'a jira k'olu bøna bankanseben ci sariya tigilamøgø arabadon yere, awirilikalo tile 2, walasa k'a jini ka segin ke kalafili kan. U ye wulikajø wale caman were yere boloda minnu be ko fila dø lakelen ke wajibi ye (O ye ne yere de ka fota ye) : Yali segin be ke kalafili kan, ka awirilikalo tile 29 jaabiw lagosi ; walima san duuru nata bøna ke ñøgønlagosi walew la, minnu nafa te maliden si kan. Ni kow taara bolo min kan, aw bøna o kunnafiniw bøe sørø san 2007 zuwenkalo bøko kønø. Sanni o ce, a ka kan maliden cema n'a musoma bee k'u banban aladeli kan, a k'an ka jamana kisi politikøko kasaara bøe ma.

"FDR" kanubaga jama ye banni dajira taama boloda san 2007 awirilikalo tile 2, n'o benna arabadon ma. Nka polisiw ye dankari u la, k'u ka taama bali.

San 2007 awirilikalo tile 9 kala fili jaabi følø dilenw cebøw joyørø la :

A tø be ñø 10 nan kan

1. Amadu Tumani Ture : 71,20 %
 2. Ibrahim Bubakari Keyita : 19,15 %
 3. Cébilen Drame : 3,04 %
 4. Umaru Mariko : 2,72 %
 5. Sumayilu Bubeyi Mayiga : 1,46 %
 6. Mamadou Bilezi Sangare : 1,58 %
 7. Madamou Sidibe Aminata Jalo : 0,55 %
 8. Majasa Magiraga : 0,30 %
- A k'a dən yere fana ko "FDR"

makaranbagà, n'o y'a ka "awoka" Mamadou Gaku ye, o sera kiiri tigilamögew ma ni Amadu Tumani Ture nöfemögew ka nanbara waleyadantigesében ye, min be tali ke nanbara 60 nögön kan, jama bocogo b'a jira ko Malidenw ma b'osebè, barisa mögöhake 36,17 % dörönpe de yera kalafilikene kan saara la ! fara kalafilisében taabolo juguw

kan. Amadu Tumani Ture koni dantigere "kuru kënsisñeli fe k'a ke Malidenw ka persidan kura sugandilen ye san duuru nata kanma, nk'a "FDR" politiki jekuluton fana bëna jësen jumen ta san duuru in kono ? O ye nininkalali gëlen ye min jaabi man nögön boko in kono !

Jekabaara sëbenjekulu

Peresidan (jamanakuntigi) joyoro

Mali kono yan, jamanakuntigi de ye jamana taamaseere föløye. O b'ti ke sariya-fangabonda föløye. Sariya-fangabonda seegin de bëan ka jama-na kono, ka kow njemine. Olu ye :


- * **Fölo** : jamanakuntigi
- * **Filanen** : kiiritigesoba
- * **Sabanan** : Sariyaw kolosi kiirisoba
- * **Naninan** : goferenama
- * **Duurunan** : Depitebulon
- * **Waoranan** : Konseyi ekonomiki
- * **Wolonwulan** : Sigidaw marada jekuluba konseyi
- * **Seeginan** : Sannayelen kiirisoba

Awa, nin sariya fangabonda kelen kelen bëe n'a jëda don Mali jamanakontigi halilatige la. O kanma u tildeñ don sinsinda saba ce, nblu ye : mara ; kiiritige ani bilasirali ladilikanw dili ye jamanajemaa ma.

Peresidan be jëda jumen na ?

Maliden fën o fen be a ka fasode-nya lakika kadara kono, n'a nöminen te sariya fe, n'a sihake be san 30 ni san ce, o be se k'i kanbo Mali peresidanya nöfe.

Mali sariya baju be kuma peresidan joyoro sannayelen kan a sariyasen sabanan kono, ka tali ke sariya sigida 24 nögön kan. Peresidan de ye jamana taamaseere ye ani jamanakuntigew waleyabaga. O kanma, ale ye jamanakuntigi ye, kiiribulon kuntigiba fana don, cemasi tabagaw (sorodasiw) ka nemaaba fana don. Nka, walasa a k'a joyoro fa a nema jamana ka netaa walew sabatili la, peresidan be minisiri nema sugandi, a ni



Malidenw y'u ka danaya rökuraya

Amadu Tumani Ture kan !

min be je ka minisiri tew sugandi. O de ye goferenama ye. Goferenama be sigi jamanakuntigi ka baara keta bolodalenw de waleyali kanma (porogramu (Letere de Kadarazi). O siratege la, a wajibiyalen don minisiri nema n'a ka minisiri bëe kan, u ka jo depitebulon depitew jekoro ka jefoli ke baara bolodalen ninnu waleyatagew taabolo kan. Awa, waati fana be yen goferenama minisiri be jo kokura min kono depitew jekoro ka kuma baaraw kecogo kan. N'u ka fétaw ye depitew kun mine, olu b'u ka danaya rökuraya kokura goferenama kan. N'u ka baara waleyacogo dun ma depitew kun mine, olu b'u ka bankan (moson) jira. O la goferenama be bin ! A wajibiy a la peresidan kan

a ka goferenama kura sigi.

Ni depitew jekoroje ye sije kelen ko ye goferenama bolo san kono, araba o araba koni, minisiriw ka nögonye be ke peresidan sigida la Kuluba (Bamako), peresidan ka nemaaya kono. O ye waati ye minisiriw be jefoli ke u ka baaraw taabolo kan min kono nögön ye ani jamanakuntigi ye. O nögonyew senfe fana minisiriw be bilasiralikan soro nögön fe, nögondeme siratege la.

Don nögönnasira jenjén be peresidan ni sariya fangabonda to wolonwula kelen-kelen bëe ce, min b'i to k'o si te waleyatamana kono a jenjén. O de kanma, jamanakuntigi, ko ganna da o da fe, a be laban peresidan ka kotigya da fe : jamanakuntigew dëw ka muriti ; lakelikogelya ; nafoloko gelya ; balokogelya... O kanma wajibiy a don peresidan kan, san o san, Mali ka yermahoronya tadow donkunben (setanburukalo tile 22), a ka dantigeli ke jamanakuntigew sira fe, ka jenjén jamanakuntigew ma. O dantigelikan kono a be kuma jamanakuntigew bëe lahalo kan ka jamanakuntigew hakili sigi, n'o ka kan, walima ka dusu don u kono, n'o de fana ka kan.

Peresidan de ye Mali fasoden föløye min ka "manda" san duuru kuntaala bëe k'a kan ka taa Mali fasodenw ka here ; u ka nafa : u ka dijenatige hakilisigi sira fe.

O kanma an k'a dən ka fosoden bëe ni peresidanya ka kan, nk'a bëe te ke pereisan ye !

Boko nata kono, aw bëna kalafili jaabiw be soro ani cebë kelen kelen kunkanko.

Tumani Yalam Sidibe

*Manden Larixu
(boko temenan TO)*

89

Aur bisimila! An ka
temen n'a ye!

91

Ni ni SoGoma!

Dusulisi, ne ka
ci ka Gelen
ni dumumi
ye dene!
Sasuma
yan Son
denke
Ke!

Nbaa! N'an ka
dumumi Ke!

93

SoGolen Fana yan son
denke, Ko den fan bee
ye? Ye si ye? Ro!

EE! Mandenkaw, ce sako,
Muso sako. Dugutgi Ko ka la-
se cur ma ko mieren
naiye a denur kundi

95

Hyura jama si je ni si Pi.
Ko ka lase aw ma ko dusulisi
denke Falo lofo dana Dankara-
luma!

90 Nin ye Sasuma
berele Ka ciden ta-
ta ye cikasa.

i Ni soGoma, Hakelo ba
La. Ne mako be duGutgi La.

92 EE! Jonmuso, ne
muso sasuma yan
son denke?

EE! DuGutgi, ni ou ka
dumumiko lun te, ne Falo
de tun nana hi cikan ye
de soGolen jigmia denke

Koyi!

Ola basi, je ja-
muoso. Ni ka, n den Falo
mill Ki bangeli cikam
tara nje,
o daye
Falo ye

94

DeGokun Kelen Ko Fe, Manko Faroko Nakanku
denur denkundi Kene siGita.

96 Hyura Ko ka Lase jama
ma tuCuni Ko chututigi
denke Filanay lofo daia
Makan Sunjala!

EE! Negi, ema So-
Golen denke in ye, a
Fari fan bee ye si ye
ibafu jok! (wahidah)

A to be boko Natuar Kono

Mekalo san 2007

Hine be sinji de la


Nin wale in kera Birigo jamana kōnō, a mēenna. O de y'a bō nsiirin gansan fe bi, kasōrō, tijé dakenēma yecogo bee b'a la.

Bugari Alamadogon tun ye donso farin ye, sigida n'a lamini bee tun be min tēgē fō haali. Ce farin tun don, awa, kisēkelenfili fana tun don. Don dō wulatiléjan fe, donsoké Alamadogon y'a ka marafa da kan na, k'a kisēw lasagonbōre juru kē k'a cesiri, ka sōrō k'a ka ceyaminen were kefen bōre baratu a disi rō.

A bōra ka wulajan sira mine. Tile kuuru, ani o su kuuru, Alamadogon be kungoyaala la, a ma hali futurēfennin taakan mēn, sanko ka sogo fagata kēnekanye kē. Tile filanān tileganfe de sa, a kēngētō minnōgētō sera neresunba dō kōrō. A ko "na n ka n-ka minēn w da kerefe, ka yelen neresun in kan, k'a denw bōrontō, walasa n na n kōnōrobilafen sōrō, barisa kōnō lankolon bōre te jo".

Alamakōnōn y'a ka marafa ni a kannabōrew da neresun senkōrō, k'i pan k'a baron dō mine, ka yelen fo jiri sanlegelege la. A y'a bolo mōnōbō nereden tinsan dō nōfē dōrōn k'a b'o mine, a je sura sa finba belabele dō lasamatō kan a nōfē jiri bolow ni nōgōn ce. A ko: Ne sara koyi !

Alamadogon ja wulilen y'a kun



biri duguma, k'a b'i fili ka n'a bin a disi kan, a je bosorā jaramajana dō labennen kan k'a mēkōnō, a dunni kanma. Kamanaganko dere : sa finba be sanfe, jaramajana be duguma ! Alamadogon dijēnen saya yēre ma sa, a y'i kanto kēne kan ko : dugumafen ye sinmifen ye i ko ne yēre, sanfēfen ye bagalaganjimifen ye. O la, hali ni n ma je saya kō, sinminden ka n faga ka n dun, mōnē t'o kō.

Nka, ba-galaga-jimiden kana n kunu, n su jugu be se n benbaw ma o la !

A y'o fō yērō min, Alamadogon

y'i fili ka jigin, ka na bin jara-majana kōrō tayi ! O fana y'a laje ten, k'ā sumusumu, ka sōrō k'i kēdōn a dalen na, k'a ku fifa a kō, ka don tu rō, ka taa !

Alamakōnōn fana wulira, k'a ka marafa nā ka bōrew ta jiri senkōrō, k'i kanto ko : jaa ! N ba ma negennikuma fō n ye dērē, a kelen kā fō n ye ko : hine baju ani miiri sira jōnjōn be sinji de la !

Alamakōnōn y'o fō, k'a ka kulu-si ju gosigosi ka sōrō ka don wula-kōnō.

A fana ma waati bērē were kē neresun kōrō belen !

**Nin ye N ba Kankuba Jalo
Ka nsiirin dō ye.
Ala ka hine a la**

Jekabaara
Labotikmitigii Sében Jekabaara kentigui
Timam Yalam Sidibe
Sében Jekabaara
Yusufu Fane
Bakari Sangare
Timam Yalam Sidibe
Mogenw kebaga
Amadu Jakite
Nafalitiye dilanbagé
Modibo Sidibe
Jew tchaga
Haruna Trawele
Labenbadaw eridimateri la
Madamu Jakite Worokiyatu So
Fatumata Cero
Madamu Ture Mama Jalo
Baaraké nōgōn w
CMDTSNV - Ofisi Nizeri -
Ofisi iri - OHVN
Hôte bata : 16000
Bataksa : 2043
Négociant : 229 62 89
Jamana baarada - Seki zayedti togola
sira - Hamudalayi kin - Bamako - Webu
nimōro
www.afribone.net.ml/jekabaara/

Walasa Kaw ka donniyu labo ka an baara kanw la, a ye gw wasa
don jamana gafe la an ka fasokaw la

